

(海陸腔) 編號 01 號

【蝠婆仔】 許倩雯原作

歸百隻蝠婆仔，像燥絲絲个鹹菜乾，一皮一皮倒吊在窿肚个壁頂。日頭落山，天色暗下來，頭那生到像老鼠樣个蝠婆仔睡醒咧！翼披披仔¹，陣打陣个對窿肚飛出來絡食。暗青色个天頂，就像分人委²了麻仔，一下仔斯烏麻戰笠³。

蝠婆仔實在慶！在暗晡頭飛到恁遠，也毋識看著佢撞著麼个東西，連細細條个電線乜閃得過。你定著話著蝠婆仔个目珠當利係無？其實毋係，蝠婆仔係用「聲」來定位个。佢兜會發出人个耳空聽毋著个高頻聲，這聲像海湧樣打出去，堵著東西就會彈轉來。蝠婆仔就用應聲，算準東西个距離摻大細也用應聲，尋著食物。

佢一直話著蝠婆仔戴在山窿抑係石窟肚。該日，兩兄弟在棚頂搞，手賤，拿等球仔就開始相擲。無想著無擲準嘎摻天篷个枋仔擲一隻空。兩兄弟臥頭看等該隻空仔，毋知愛仰結煞正好！忽然間，三隻烏疏疏个東西，對空肚鑽出來，翼啪啪滾个在間房飛

來飛去。這聲實在得人驚！嚇到細老弟噉噉滾噉：「噉……噉……噉血鬼來咧！」佢遽遽用手護等頸根，嚇到鑽落眠床下毋敢出來。膽大个阿哥緊拚拚仔擎起掃把開始亂拂⁴，想愛摻蝠婆仔打下來！

阿婆聽著聲，行上樓頂，大聲喊：「拜託哪！掃把摻佢放下來！莫恁衰過，蝠婆仔會分你打死！」續等又講：「正經電視看忒多咧，毋讀書。臺灣个蝠婆仔哪會噉人个血，蝠婆仔飛落屋肚係當好个占頭！」

阿婆打開窗門分蝠婆仔飛出去，再過帶等孫仔去看佢間房該頂紅眠床，眠床个架仔頂正經刻有蝠婆仔个圖像。阿婆又喊老弟摻頸根戴个玉撈出來分大家看，也刻有蝠婆仔个造型。眠床个架仔頂，刻有五隻蝠婆仔，安到「五福臨門」玉町刻一隻桃仔摻蝠婆仔，表示「福壽延年」。原來西方人摻蝠婆仔看做係鬼怪个化身，毋過事事追求吉祥个中國人，係摻蝠婆仔看做福氣个象徵！

日頭出現在東片析个山頭，臨天光咧！三隻飛出去个蝠婆仔，又對屋簷下鑽落來，福氣光臨家門咧！

¹ 翼披披仔：音 r h i d \ pia \ pia \ er ；形容雙翅拍動時 開合的樣子。

² 委：音 v e+；播、撒。

³ 烏麻戰笠：音 v u \ ma zhan \ dad ；形容數量極多。

⁴ 拂：音 f i n \ ；揮動。

(海陸腔) 編號 02 號

【**佢个飯筍仔**】鄒瑞梅原作

自出世到這下，阿婆一等惜佢，驚佢熱、驚佢冷、驚佢三餐無正常。

同學个飯筍仔大部分係做阿姆儕準備个，佢个飯筍仔係阿婆親手做个。逐日當晝食飯个時節，就像開獎樣，佢个飯筍仔特別香，裡背有魚有肉有青菜，還有阿婆惜花連盆，惜子連孫，惜佢惜入心个親情。坐在佢脣頭个阿明牯、阿秀摺阿華目盯仔緊看佢个飯筍，口水強強就會流出來咧佢詐意講飯筍打毋開，佢兜比佢較緊張，逐個相爭愛摺佢搵手，實在還生趣！等佢打開飯筍仔，歸間教室都鼻得著阿婆个好手藝，阿明牯揣講一定係爌肉，正經分佢揣著咧。佢兜感情當好，還會交換菜食，佢食佢个爌肉，佢食佢个煙腸，食到飽飽。

阿婆个好手藝，仰般講都毋會漏氣¹，佢煎个黃魚兩面赤赤毋會臭火爛。佢最好食阿婆做个客家炒肉，堵著敬神祭祖个時節，阿婆會準備雞鴨、魷魚、豬肉料、豆腐乾湊牲。該暗晡个桌頂，一定會有鹹香鹹香个客家炒肉，阿婆會特別吩咐阿姆愛加煮兩筍

米哦！

阿婆摺阿姆在灶下無閒直掣，阿姆摺魷魚、豬肉料、豆腐乾，還有自家菜園摘个蔥仔、蒜仔、芹菜、辣椒仔，通棚切好勢，就準備換阿婆炒菜咧！阿婆兩下手就炒出客家好味緒。桌頂有雞肉盤、韭菜炒豬紅、蕪菜、鹹菜湯，還有佢最好食个客家炒肉。阿公、阿爸、阿姆緊食緊阿腦阿婆个手路菜，好食到舌嫵就會吞落去。客家炒肉實在當扯飯哦！佢摺阿哥連食兩碗飯，食到飯鉢都貶轉來咧，桌頂个菜分佢兜掃淨淨，佢摺阿哥食到肚圓，阿婆看著嘎好笑。

食飯个時節，阿婆摺佢還過阿哥个飯筍仔張到淦淦阿婆自家个碗肚斯有菜湯攪飯。

食等阿婆親手做个飯包，就想著阿婆在灶下汗流脈落个身影。佢愛煞猛讀書，做一個有用个人，等佢大咧，一定愛報答阿婆个恩情。阿婆畜佢大，佢一定會有孝阿婆到老。

¹ 漏氣：音 lau ∨ kui ∨；閩南語借詞。比喻行為表現令人失望。